



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՄԱՎԻՐԻ ՄԱՐԶԻ
ԱՐՄԱՎԻՐ ՀԱՄԱՅՆՔԻ ՂԵԿԱՎԱՐ

26 սեպտեմբերի 2025թ.

ԾԱՆՈԻՑՈՒՄ

Պայմանագիրն ամբողջությամբ միակողմանի լուծելու մասին

ՇԵՆ ԴԵԿՈՐ ՍՊԸ-ի փնտրեն
Հասմիկ Մակարյանին

Հարգելի տիկին Մակարյան,

ՀՀ Արմավիրի մարզի Արմավիրի համայնքապետարանի (այսուհետ՝ Գնորդ) և ՇԵՆ ԴԵԿՈՐ ՍՊԸ-ի (այսուհետ՝ Վաճառող) միջև 2024թ.-ի սեպտեմբերի 04-ին կնքվել է համաձայնագիր, որով ուժի մեջ է մտել **ԱՔ-ԷԱՃԱՊՁԲ-24/4-2** ծածկագրով գնման պայմանագիրը (այսուհետ՝ Պայմանագիր): Պայմանագրի շրջանակներում Վաճառողը ստանձնել է պարտավորություն մատակարարել Պայմանագրի թիվ 1 հավելվածով սահմանված ապրանքները: Սահմանված ժամկետում Ձեր կողմից Պայմանագրի 9-րդ չափաբաժնով (Պահարաններ զարգացնող միջավայրի համար /աշխատանքային կենտրոն/) նախատեսված ապրանքների մատակարարում չի եղել:

Հաշվի առնելով վերոգրյալը՝ Պայմանագիր կնքած անձի կողմից ստանձնած պարտավորությունները չկատարելու հիմքով ՀՀ Արմավիրի մարզի Արմավիրի համայնքապետարանը հարկադրված է 2025թ.-ի սեպտեմբերի 29-ից Պայմանագիրը նշված չափաբաժնի մասով մասնակի միակողմանի լուծել: Պատշաճ ծանուցումն ապահովելու նպատակով կիրառել ՀՀ կառավարության 04.05.2017թ. թիվ 526-Ն որոշմամբ հաստատված գնումների գործընթացի կազմակերպման մասին կարգի 33-րդ կետի 17-րդ ենթակետով սահմանված դրույթները:

Միաժամանակ հայտնում ենք, որ Վաճառողին տրվում է 10 աշխատանքային օր՝ որակավորման և պայմանագրի ապահովումները՝ համապատասխանաբար **138600 (մեկ հարյուր երեսունութ հազար վեց հարյուր) ՀՀ դրամի և 92400 (իննսուններկու հազար չորս հարյուր) ՀՀ դրամի** չափով, վճարելու համար: Փոխանցումը անհրաժեշտ է կատարել Գնորդի բանկային հաշվին (**ՀՀ Ֆինանսների նախարարություն 900335201183**):

Սահմանված ժամկետում փոխանցումը չկատարելու դեպքում պարտավորվում ենք որոշում կայացնել «Գնումների մասին» ՀՀ օրենքի 6-րդ հոդվածի 1-ին մասի 6/ա-րդ կետի համաձայն ՇԵՆ ԴԵԿՈՐ ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով:

ՀԱՄԱՅՆՔԻ ՂԵԿԱՎԱՐ

Վ. ՍԱՐԳՍՅԱՆ

